



**Veritates Christianæ Qvæ Modvm Exhibitent Benè Vivendi
Et Benè Moriendi**

Balde, Hendrik

Ipris, 1689

47. Cap. Ars benè moriendi cunctis artibus præferenda.

Nutzungsbedingungen

[urn:nbn:de:hbz:466:1-56447](#)

fidissimique carceris squallores & cruciatus effugiendi, cœlum expugnandi, maximum tum gratiæ ut in gloriæ faciendo incrementum, teque eâ viâ æternum locupletandi; sed ignoras, quando facultas illa sit retractanda; quando ventura sit nox, in qua nihil amplius poteris pro mereri.

Quamvis itaque non parva te spes alat, minimè futurum, ut tam citò è vitâ decadas, tamen acceleres necesse est, metu, ne ab ingruente morte etiam ante vesperam, quin imò proximo forsan momento, illa tibi potestas surripiatur.

Tempus præterit, labuntur anni; quare tempestivè tibi consule, vitæque tuæ dies utiliter impende.

Parere possunt aeternam vitam pauci dies,
inquit S. Eucherius (a)

CAPUT XLVII.

Art. benè moriendi cunctis artibus praferenda.

SI spes tibi firma foret, propediem cœlo te potiturum, frequenter cum S. Paulo in hac verba prorumperes: Cupio dissolvi, & esse cum Christo, nec non cum Davide. Hen mihi quia incolatus meus prolongatus

(a) De ver. Sap

longatus est ! neque mortem tantopen
formidares.

Mortem times , quia virtutum præsidii
destitutus es. Nemo lubenter moritur
qui non multò ante tempore se ad mor-
tem rectè obeundam comparaverit.

Postremus jam forsitan est dies , quo
vives ; postrema fortè confessio , quam
institues ; postrema fortè , quæ obibis ,
spiritualia futura , sunt exercitia . Si hoc
certò scires , quomodo illa perageres ?
haud dubiè quām posses perfectissime .

Cardinalis Bellarminus , qui librum
conscriptis de Arte benè moriendi , jam
morti proximus unum etiamnūm deli-
derabat annum , quo melius ad iter tam
formidabile se compararet , multum licet
temporis hoc in studio anteà posuisset .

Vir quidam Sanctus , quadragintà annis in
solitudine exactis , rogatus , quid tanto
temporis spatio ibidem ageret , respondit .
Disco bene mori . O scientiam prorsus ne-
cessariam , à qua pendet æterna felicitas !

Multi variarum artium & scientiarum
tenantur desiderio , in easque perdiscen-
das ità incumbunt , ac si multis adhuc
seculis essent victuri : artem verd , sci-
entiamque benè moriendi maximè necessa-
riam floccifaciunt , de æterna vita , qua-

non doctrinā , sed virtute acquiritur ,
parūm , aut nihil omnino solliciti . Provisione
perversā , inquit S. Eucherius , Impen-
dunt brevi tempori curam maximam , &
maximo tempori curam brevem .

Noë centum & viginti annorum ope-
ram in arcæ fabrica collocavit , ut mor-
tem temporalem evaderet : tibi tantum
vitæ nequaquam superest ; post tres an-
nos , dies , horas forsang eris exanimum
cadaver ; & tantillum temporis christianæ
vitæ ad virtutis fastigium educendæ im-
pendere detrectabis , ut æternam mortem
effugias ?

Enim verò demens es , si longævitæ
spe te ipsum lactes & seducas ; si ex hoc
momento ad bonam beatimque op-
tendam mortem te non sedulio compares .

CAPUT XLVIII.

*Discendum est bene mori , quia non nisi
semel morimur .*

Si juveni puellæ , quæ fistulam æneam
nunquam vidit , diceretur : exploden-
dum tibi est in hunc scopum : si tetige-
ris illam , Reginæ nomine ac dignitate
donaberis ; sin aberire te contigerit , in
ignem